

武昌縣志序

自古制度文為以積之

久而備亦以積之久而

敝一邑之志乘亦然其

始之未備也以獻徵文

或拾之稗野或採之風

武昌縣志

序

一

謠或訪之父老倘弗窺

金匱石室之藏亦豈云

大備乎其繼之方備也

以文寄獻而或以年而

徂或以時而遁即有一

二才雋承乏其間素鮮

三長恣意增損不且適

以滋之敝乎 遐齡 以教

習蒙

聖恩

特授知武昌縣事夙聞茲邑

固樊楚地國於周都於

武昌縣志

序

二

三國吳鎮於東晉暨六

朝軍於宋府於元綦望

邑也竊懼綆短汲深弗

克堪事下車之後嘗遍

行四境其形勝則庾信

所云龍蟠鳳集之鄉江

左所倚以控上游也其山川奧衍則次山東坡之所樂而遊憇也其宮殿營壘則吳王之暑風庾公之秋月也至其食貨所饒則杯湖有菱荷

菰蒲樊口潘家有酒洄洑王生家有魴鯉黃鵝甘瓠土地豈盡瘠确耶其民朴勤半以耕漁爲業或荷鋤瓜圻或趨墟夷市唐崔郾概謂其民

多剽倘亦有不盡然者抑入陶士行之書堂讀韓仲卿之碑銘覺前人雄畧雅化難與比踪又試訪丈人於蘆洲仰貞魄於柱石溯郭長翔於

小舟問潘邠老於酒肆人物之生茲土者自古敦節義勵清修斯亦足以覘風俗之所由來矣且也登葛山步寒溪雅川遠公恍然如在彩雲

碧水間焉凡茲梗概已
燦然憑眺中又奚俟繙
閱志乘始徵一邑之故
哉雖然武邑之志興廢
屢矣明初永樂以後學
博邑紳遞紀大畧迄嘉

靖間博士張汝臨與修
三楚通志披覽諸史有
係於武昌者手錄之以
歸授梓而邑志乃成體
裁蓋積久而始備也崇
禎初邑令王琇恐志之

久而敝也延賓張某與
邑諸生彭某纂七十年
來之軼文不越月而告
成何其速也備不備未
可知也

本朝龍興車書一統康熙十

二年纂修通志豫取州
邑成書時邑令熊登徵
文辟獻亦孔亟矣顧其
時雖太平三十年而驅
除二孽平定三藩兵燹
之餘文殘獻逸重以檄

催惟草創應之耳洎雍正十二年復

詔纂修張令慄僅肇厥始馮令德馨未成厥終此志之所以積久而重敝也况自熊志以來今且百

年風土有轉移生產有豐耗賦役有增減營建制作以時羸絀官治人文以時污隆不續而臚之版籍既無以備輶軒之採而令茲邑者亦何

所鑑以宜土俗而協人情哉闔邑紳士吏民僉

議志當速修爰以上請憲諭俱承俞允因約諸同局令其勒日告竣是志也凡十綱九十餘目增

其新矣於舊亦半相仍焉義例之淆者析之典制之缺者補之片段之細碎者渾合之字句之繁陋者芟刈而色澤之斯百年以來之故實藉

以不泯而向所得之行
 部中者直燦然於几案
 間而倍加晰焉不敢曰
 志體之大備庶幾少挽
 其漸敝云爾昔

大清乾隆二十八年歲次癸

武昌縣志 序 九

未仲秋月穀旦知武昌
 縣事吳興邵 遐齡 撰



武昌縣志卷之首

輿圖

武昌縣志 卷之首 輿圖







武昌縣志
縣署圖

卷之首 輿圖

四



武昌縣志
學宮圖

卷之首 輿圖

五

目錄

卷之一

方輿志

沿革

疆域

星野

山川

形勝

人景附

古蹟

墳墓附

風俗

土產

祥異

卷之二

建置志

城池

衙署

亭樓附

壇廟

倉廩

武昌縣志

卷之首

目錄

縣屬

鄉坊

鎮市

橋梁

坊表

祠廟

寺觀附

卷之三

賦役志

戶口

田糧

新墾陸科

里甲

湖課

鹽課

班匠

雜稅

運糧存支

卷之四

典禮志

朝賀

接詔

祭祀

迎春

救護

祈禱

讀法

鄉飲

賓興

較閱

卷之五

學校志

廟學

門殿

祀典附

祠廡

名宦

鄉賢

忠義

孝節

堂齋

書院

附

書籍

學田

義學

義學田

武昌縣志

卷之首

目錄

卷之六

藩鎮志

列秩

勛績

戎事

附

卷之七

職官志

知縣

縣丞

主簿

附

巡檢

典史

教諭

訓導

城守

塘汛附

宦績

卷之八

選舉志

薦辟 甲科 鄉科 明經恩移副榜

職監例監 武科武弁 掾仕 封贈 恩榮

卷之九

人物志

仕蹟 文苑 忠烈 孝友 義行

武事附 耆碩 隱逸 流寓 仙釋

方伎 列女

卷之十

武昌縣志

卷之首

目錄

三

藝文志

聖製 記 序 傳 頌碑

贊 銘 論 賦 詩

修志官紳姓氏

纂修

武昌縣 知縣 邵遐齡

協修

武昌學 教諭 魏榮楠

武昌學 訓導 熊鵬程

督梓

武昌縣 縣丞 鄭煥

武昌縣 典史 褚昱

武昌縣志

卷之首

姓氏

一

總訂

舉人 揀選 知縣 談有典

分訂

增 廣 生 員 周宏濟

歲 貢 候 選 訓 導 朱詒

歲 貢 候 選 訓 導 李隆道

拔 貢 候 選 教 諭 劉子溪

儒 學 生 員 柯禮

董局

武昌縣舊志序

邑舊更軍署使建號錫名代置不常而崇表峙鎮治軍
截成以扼淮都吳聞稱今考官營寺苑瓜圻堞壘莽蕪
墳葬象隆昏昧而市墟黨鞠什九非矣大都荆渚為秣
陵之顧齊安為鄂州之表武昌為湖北之緊始孫策興
造會稽大帝稍遷京口尋駐公安徙都鄂表時則曹蜀
鼎衡因時還往規畧殊常機宜取便江南甫定趨歸建
業延至歸命侯續從此中而國隨委劫掎角之形可具
見矣夫荆土塗泥古稱確濟陸抗疏止移都大要言船

武昌縣志

卷之首

原序

泊則浮漂陵居則危峻不宜煩師挽供安居比死意具
懇切然自吳主倚辨武昌歷南朝併為重路車湊民
耕鑿營取積壤流膏浸成沃壤嘗讀唐書長慶崔郾傳
以嚴理鄂曰地腴民剽利用威猛固一時也宋南齊北
需軍贍費半制湖楚月棹板帳縉額織碎而元併
濡饒上下煎熬苟縮又一時也夫此一壽昌也
勝則象衝鱗鱗燦薪塗油游兵變服帶甲持躬
江而旌旗蔽於一道蹂躪却避則募船籍軍貫鈞
晨炊漏下區計無聊通注江寧而車駕隨於

輸遲疾繫於上流警援逼塞關乎險口壽昌背抗淮徐
直脚南郡近搃潯陽東旣采石先朝目云盛府中原視
為前驅督師列屯分壩置艦無不藉以戎禦賦詩穿札
設犒吹歌往往託而晏安藉其少帝初中材僚詘備詐
奇沓出良吏拊循公瑾守畧俱長子敬贊軍足智蒙令
江州遜領南郡它如程普黃蓋甘寧徐勝潘璋朱然朱
桓賀齊凌統全宗呂範之屬無不足家州郡積有資勞
故能運經陸海兵淬天雄佐王圖伯雍容斯域向令非
皓詎易量哉余頃取道從邑過舍再茲貳黃覽披江勝

武昌縣志

卷之首

原序

間以繙集省乘弭駕樊山晨興夜息山行谷正聿懷故
宮追仰前哲自謂身遊赤烏延康之間而邑典蕩缺獻
實無遺良為浩歎會瓊山張博士汝臨詮次成篋備書
召工鬻梨治鏡行當播流望縣副之即亭而余忻然叙
述其旨付列篇端今後代將得考其形實焉嘉靖辛酉
佐黃州事前比部郎吳人袁福徵書

初刻武昌縣志始末

武昌有志舊矣然沿習於舊聞而後考未備仰刻於有
司而工浩未成也辛酉春督學張公纂修楚省通志時

華亭袁太冲公主史局四方之志百家之書畢備翼幸侍編輯之側披閱諸史有隸於武昌者手錄之夏五歸謬將舊乘刪其繁蕪增其缺畧錄成募工付諸梓備遺亡以俟參考爾志云乎哉昔嘉靖辛酉六月既望後學瓊山張子翼書

舊志序

夫志識也紀實錄以綜文釐獻章政飾治者也昔者先王道地圖以詔地事道方志以詔觀事故君子觀圖志而經濟定矣虞之禹貢周之職方固志之大經也田賦

武昌縣志

卷之首

原序

二

高下墳墟鎮澤江海龜錯纖微卑瑣罔不登錄帝王紀法燦然明備自漢以下郡國有圖志有地里書風土記至我朝爲大明一統志薄海內外聲教所暨悉入韋編議者以爲超軼漢唐之右矣然戶口未登甲第未紀君子不無遺憾焉武昌國於周都於吳鎮於六朝宋元間亦嘗郡之矣民風士籍甲於他郡庸可無志以識之乎自司訓吳君玘而下張君琦李君榮嚴君傑周君之京後先述作文獻足徵惜乎其未考諸金敦石鼓云耳今邑博張君汝臨旁搜博采撫拾釐正沿革註建置之由

山川表形勝之險風俗察古今之情土田軫里疇之隱至於甄錄人物表裏寓於贊述疑信別於拾遺覽者莫不忻然有登龍步邯之想此真越於諸君益益之外者信可謂得其體裁矣武昌政治不在指掌間乎君以瓊山雋俊明經魁南粵其在武昌尤以成就人才爲己任置日紀嚴會籍修義隄比攝邑事又能革大日每日之常規學憲張公雅相器重檄修三楚通志今又纂輯此編自捐俸以永諸梓而吾邑之前聞勝軌不有所托以垂不朽乎汝臨之功當與樊渚同鎮矣嘉靖四十年夏

武昌縣志

卷之首

原序

四

六月既望賜進士出身中憲大夫奉勅整飭直隸蘇松等處兵備督理糧儲兼管屯田水利河南提刑按察司副使邑人鏡湖熊桴撰

舊志序

古今一時也天地一志也時如轉環志如懸鑑眉目粲暫此形色之待別於鑑者然一日內妍媸瀾之形有定而色無定矣時也山之高川之永民物之阜版籍之繫廛仕之良關梁道路之要此古今之循運於環者然百年內掌記湮之古或然而今不然矣尤時也鑑久則昏

志久則畧葺而新之非以人乎武昌自張汝臨往而志
失矣憫時之士間舉什一于千伯要其楮墨茫然岐離
鬼角七十年來經理之綜措名碩之生面弗開焉可慨
已余以戊辰秋來令茲土則取邑乘閱之按其野山河
如故而田里市鎮陂塘物產之利有弗載焉者俯其廓
鱗分雉佈而肩事戮力之人創始落成之日幾莫老焉
者問賦役近時沿革幾何問弊竇近時釐正幾何問科
薦近時隆替幾何問牧宰近時修飭幾何有下吏不知
詢於經生經生不知採於鄙野者如環之玦如鏡之翳

武昌縣志

卷之首 原序

五

致司牧未繇通其政而紀憲無以採其風則非他故時
淪之也尤非時故志遁之也余每公退思爲補綴而簿
書泮掌從事未遑今年鼎龍張君來與邑之彭生以鉉
逸之才冠左馬之席提領挈要稽故覈新不越月而典
已告成若鏡之重磨環之再續亦可稱百年快舉已天
下事一日不續則一日之事廢一月不續則一月之事
廢一歲不續則一歲之事廢事廢則官曠官曠則政廢
政廢而天下之事去矣余謂今日之守令欲興實政者
毋如武昌志當以時續焉可崇禎二年己巳冬十月知

武昌縣事東海王琇撰

舊志序

守土以舉廢爲賢興百利不如舉一廢何者利之所在
害伏其機廢之所存人懷其信也武昌志七十年來之
一廢也自張汝臨始而稍續於樂吾李君過此寥然竟
歸空局卽後先司牧非不循躋而要之客視其身郵視
其邑於政事沿革之要經理綜覈之義不必垂程百世
而祇求簡事一時如行負之人計程而發凡一切山川
之靈秀人物之低昂與道路關梁之越歷多不紀別諸

武昌縣志

卷之首 原序

六

則無異故弛負之念切而領取之神有弗閑焉也去秋
幼曇王侯來蒞吾邑以敏毅之才值艱危之歲曾不幾
月而纖弊咸釐百廢畢舉慨然以續志爲計且不但掃
館延千里之士捐餼命彌月之工而殫心極慮朝稽夕
考不啻一身一家事吁良可稱七十年來之一會而武
昌之民風士籍有深幸矣夫一守令耳四封之外大庭
之內今日方新明日卽故新新不已故故相仍猶恐其
漏而一概束之高閣所謂賢守令安在乎斯續也故非
王侯之精心獨任學署諸君子之戮力其襄與張彭兩

君之典藻增飾其不以長江天塹爲廢郵而置之也幾希矣賜進士第正議大夫資治尹太僕寺少卿福建提學副使山東按察使河南布政司右叅政邑人孟習孔撰

舊志序

稽古圖籍首收風土隨記舉湖山綿邈曠代菁華不越戶庭內一展玩焉榮若列眉是以聖君賢相莫疆酌賦望秩任官以迄風氣淳龐人文蔚茂煥然觀玉帛車書之盛者咸以修志爲首務焉武昌雖巖邑乎曩屬孫吳

武昌縣志

卷之首

原序

七

故都嗣稱歷代重鎮山川人物均擅勝名以故游覽詠吟者踵轅雲集但時異勢殊條爲樂國倏爲戰場竟未創築城垣至明萬歷初始建磚城民享耕漁之利士盈絃誦之聲庶幾哉獲寧宇矣奈明末遭獻逆作崇蹂躪叠經盤踞會城不時往復雉堞則剝落矣廬舍則灰燼矣祠宇則圯墟矣田疇則蕪而石矣黔首則刃而燐不則潰而散矣流離顛頓莫可名狀幸我

清鼎定與民休息出湯火而衽席之顧大軍之後不無凶年疋羸之餘詎能霍起卽向來司牧茲土者加意撫摩

振刷弗克環至立効襪材如登謬膺尹綬於丙午仲夏星馳來任則見城之內外剝落者猶然左傾右圯也灰燼者猶然丹楓白荻也圯墟者猶然斷瓦零礫也地利未盡墾而累歲逋賦不下萬餘轉徙雖漸歸而額徵混淆互相訐訟登於焉蚤作夜思憊然太息曰傷哉武民也譬雛鳥新飛豈可輕傷其羽如弱條初植尙須亟沃其根欲舉一切病民者爲民除利民者與民興又慮泉深綆短肘掣維艱乃幸而諸上臺念茲痼瘼勤加體恤諸凡詳請代爲呼籲者朝陳請而夕俞可故武邑士民

武昌縣志

卷之首

原序

八

至今日復樂耕漁還安絃誦漸有起色矣獨是黽勉馳驅七閱寒暑大槩不無補苴百廢猶艱具舉如邑乘一端所以昭雲漢而垂金石者固有司責也尙慮踈鄙修輯未遑近奉通飭之

綸音仰遵纂造之憲檄宵旦經營竭蹶恐後爰集諸縉紳文學博採舊章詳諮故老往跡弗遺近事靡漏幽芳不忍沉淪莠詞不敢濫摭列綱列目書爵書名一循成式知罪奚辭雖然胸愧三長讀慙八索風塵俗吏無以潤色鴻業黼黻太平唯賴諸上臺示以旨歸文其固陋庶

楚之巖邑附青雲而荷餘輝者端有厚望登何力之有焉抑服古入官有筮仕願爲令者謂令與民親利病必悉下情不壅於上聞上惠斯速以下究故載在史冊者兩漢號稱得人則今日之志卽他日之史也况周官六計炳若日星登也不敏敢不仰體嘉惠元元之意以循職自效也哉昔康熙歲次癸丑仲夏月望日武昌縣知縣熊登謨

舊志序

事有爲夙昔之所思而忽焉觀之則喜有爲夙昔之所

武昌縣志

卷之首

九

思思之不獲見而見之則益喜如余於吾邑之志是已武昌建置最古自孫吳卜郟而後暨陶庾諸公作鎮以來山川文物素甲江漢有不待志而顯者但自明季纂修後故老淪亡遺帙散佚缺焉未續者蓋數十年余雖宦遊四方而心竊侃侃焉悼之自熊侯來蒞吾邑興利舉廢城垣學舍以及古人登臨遺蹟靡不修復余聞私自喜曰以侯之百度俱釐雖未及邑志而茲功終必有賴也會今

天子下明詔勅郡邑有司纂修乘牒以昭車書一統之盛

凡遐陬僻壤罔不操觚從事余又私自喜曰以侯之建樹皆圖其久而不爲其暫則今雖郡爲乘邑爲志乎而吾邑志成定與左史龍門相頡頏未可以輿圖職方視也未幾吾友孟子先服佐侯編輯工竟以志一兩遺余且道侯惓惓之意而屬余以序余義不敢辭但自惟簪仕迄今十載滇南四年冀北眺南樓之明月憶西嶺之雲烟幾幾有漢廣江深莫卽之歎矣何意故園之風土人物十餘年來所殷殷欲遇而未克遇者一旦於几案間觀之且以余之私自期於侯者俱獲如所期焉則手

武昌縣志

卷之首

原序

十

是編也其欣慰爲何似也或謂子守恒山於三十一屬之志無不躬裁手訂蒐閱亦苦何於斯編而欣慰若是日不然不見夫入五都之市者乎瑰異當前琳瑯耀目非不衆歛爲寶然過焉卽忘者無他非其所習也桑梓之地一坵一壑一葩一卉靡不徘徊而眷念者無他人與之狎也余之於武志也實類是故今不敢泛爲稱引惟舉夙昔之所自思與其所私期於侯者以述其憂喜之情如此至討論之詳備筆削之簡嚴上可佐太史轄軒之採下可以扶進人心垂勸誡於無窮也則邑之人

能言之余又何敢復贅昔康熙十有二年歲在癸丑重九日中憲大夫真定府知府邑人張臯謨謹題

舊志序

邑有志邑以志傳也武邑前此有志矣志前此之武也
逮時移勢異武非前此之武志仍前此之志可乎奉
新令直省各修葺通志檄且數數下邑侯熊公瞿然祇厥
事左文而右獻虛中而覈外次其闕軼以整以暇累閱
月始脫藁不以人吉不敏而屬弁一言夫予則何言予
并州故鄉十八年於茲矣近且屏門骨立一切象緯分

武邑縣志

卷之首 原序

十一

畫風物高深以及林區石圃臺亭檻廡之屬幾付之廢
史已耳覽斯志也缺者完之廢者舉之甚者從而更張
之侯皆捐割不遺餘力即武人之翹然喜者多在是是
足以傳矣而要其扶植人心滌除民害俾元氣駸駸可
復太平根本之計侯當有進焉於志見之抑不僅於志
見之耶予於是而又有感矣昔岑文本過里門所至輒
徒步周視曰父母之邦應即爾爾上問見有好景否曰
臣鄉江陵野無惰農市無黠僧孝敬之風達於道路刺
史殷仲堪雖不識無踰此好景者上聞而嘉之由斯以

談予不亦愧文本遠哉并以是畢志之之說戶部貴州
清吏司主事今守制邑人孟人吉撰

武邑縣志

卷之首 原序

十一